



UNIVERSITÄTS-
BIBLIOTHEK
PADERBORN

Flores Meditationvm

Bebius, Philippus

Coloniae Agripp., 1623

Medit. 55. De Apparitione Magdalenæ facta.

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)



MEDITATIO LV.
CHRISTVS APPARVIT
MAGDALENÆ.

PVNCTA MEDITATIONIS.

*Mar. 16 I. Alijs digressis, Magdalena manens ad
Ivan. 20* sepulchrum, rogatur ab Angelis. Quid
plorete? quibus ait: Quia tulerunt Do-
minum.

II. Conuersa autē vidit IESVM (igno-
rans eum putansq; esse hortulanum:
ait: Si tu sustulisti; Dic vbi posueris,
& ego eum tollam.

III. IESV dicente: Maria, ait: Rabboni;
Sed IESVS vetans ne ipsum tange-
ret, mittit ad Apostolos. vt. nuntiet
eis.

PROPHETIÆ.

Thren. 1 1. IDCIRCO ego plorans, & oculus meus
deducens aquas, quia longè factus est à
me consolator, conuertens animam meam.

Cant. 3. Surgam, & circuibo ciuitatem per vi-
cos & plateas, quaram quem diligit ani-
ma mea, quasi illi, & non inueni: in-
uenerunt me vigiles, qui custodiunt ciui-
tatem.

tatem. Num quem diligit anima mea vidi-
stis? Paululum cum pertransissem eos, inueni
quem diligit anima mea, tenui eum nec di-
mittam.

Ego diligentes me diligo, & qui mane vi- *Prov. 8.*
gilant ad me, inuenient me.

DOCUMENTA.

1. **D**iscipuli venerunt videre sepulchrum,
verum non permanserunt, idcirco
id temporis non meruerunt videre
Christum: sed Magdalena, abeuntibus disci-
pulis perseueravit, vnde digna fuit præ reli-
quis omnibus primo videre Dominum. Deus
non remunerat nostras actiones si in ipsis non
perseueremus, quia profectio boni operis
perseuerantia est.
2. Maria Magdalena, lachrymis obtinuit om-
nia quæ voluit, nam flendo impetrauit re-
missionem peccatorum, fratris resuscitatio-
nem, & consolationem, vt videret Christum
gloriosum. Ita & nos si cupimus obtinere pec-
catorum remissionem, spargamus cum Mag-
dalena compunctionis lachrymas; si volumus
impetrare auxilium & conuersionem proxi-
morum, spargamus compassionis lachrymas.
Denique, si cupimus inueniri digni diuina vi-
sitatione & consolatione, profundamus la-
chrymas deuotionis.
3. Maria interim dum sederet iuxta monu-
mentum, non vidit Dominum, sed quan-
do se inclinavit, & introspexit, vidit Ange-
los, & paulò post ipsum Dominum. Ita
nos quando sedemus in oratione & confi-
dera-

deratione vitæ Christi, si non sentiamus consolationem, vt desideraremus, inclinemus nos & prospiciamus in sepulchrum, videlicet considerando nostras imperfectiones, humiliemus nos, & cognoscamus nos esse indignos tali gratia, & Dominus non deerit, sed illicò consolabitur nos.

4. Imò cum in oratione non inuenimus Christum, hoc est, consolationem spiritua-lem, non debemus desperare aut desistere, sed perseuerare cum compunctione & desiderio, & recurrere ad auxilium sanctorum, vt fecit Magdalena, quæ Christum non inueniens, non discessit, sed perseueravit plangendo, desiderando, & rogando, vsq; dum illum inueniret.

5. Magdalena videns se priuatam Christo, plorabat, sedebat, & prospiciebat in monumentum: Ita nos cum sumus priuati gratia Dei, si volumus eam recuperare, debemus plangere peccata nostra, sedere humiliter considerantes nos ipsos: & sapius introspicere in sepulchrum, considerando illum, qui pro nobis passus est.

6. Maria interea dum Christus ipsi loqueretur, illum videbat (quia amabat) sed quia non erat perfecta in fide, ipsum non cognoscebat. Ita nos, dum sumus absque peccato mortali, habemus intra nos gratiam Dei, sed multæ imperfectiones, quas cum illius amore commiscemus, saepe non sinunt nos cognoscere, nec sentire, quo fit vt simus aridi & frigidi in Dei seruitio, absq; vllò gustu spirituali.

7. Magdalena quando cognouit Dominum, accurrit inconsideratè, vt illum amplecteretur, sed ipse eam repulit his verbis: Noli me tangere,

tangere, & subiungens præcepit, vt annuncia-
ret Apostolis resurrectionem suam, vt hinc
intelligamus Dominum nobis non dare con-
solationem, vt in ea indiscretè quaramus nos
ipso, sed vt nos per eam adiuti studeamus et-
iam iuuare & consolari alios.

8. Maria stabat iuxta sepulchrum & plan-
gebat; Vita animæ sanctæ in hac misera pere-
grinatione est, semper stare iuxta sepulchrū
Christi, considerando illius amarissimam
passionem, & deflendo continuò propria pec-
cata propter quæ saluator mortuus est, & tu
priuatus es eius dulcissima præsentia.



MEDITATO LVI.
APPARET EVNTIBVS
IN EMAVS.

PVNCTA MEDITATIONIS.

- I. *Duobus euntibus, ex Hierusalem in Luc. 24
Emaus, ac de ipso loquentibus appa-
ret, quærens causam tristitiæ.*
- II. *Cleopha miranti ac multa de passio-
ne referenti, ait: O stulti & tardi ad
credendum &c.*
- III. *Rogatus ab illis, immo coactus, cum
illis intrat, atque in fractione panis,
agnitus disparer, illis in Hierusalem
euntibus.*

FIGV-